

7. Geassešurramat

Šurrandearvvuođat dáppe Ukselmaoivvi eanadagain!



Dieđátgo mii šurrá dál, go lea geassi?

In oaivvil helikoptera inge girdinmašiinna.
Muhto gal dátge mu gullan šurrit girdit máhttet!
Dát šurrit, main hálán, leat čuoikkat.

Leatgo dieppe du eanadagain čuoikkat?
Muhtumin máddelis boahtán mátkkálaččat vehá apmasit min čuoikkaid,
muhto mii dáppe Sámis ássit njulgestaga gáibidat daid!
Ii geassi leat albma geassi almmá stuorra, šurri čuoikadohkiid.

Dieđátgo don, mo čuoikkat iešalddes bohtetge?
Heh, eai dat dieđusge girdinmašiinnain boađe,
eaige eisege togain,
muhto riegádit juohke gease ja juohke beaivve ođđasit.
Dahje seammá čuoika riegáda dušše oktii.
Čuoika riegáda čáhcai, láddui dahje eará lávttas báikái mannejuvvon manis.
Ja čuoikka eallin sáhtta nohkat,
go dat gártá beštora dahje soames eará lotti dahje guoli njálbmái.

Min loddeustibat gáibidit čuoikkaid.
Mánngat lottit borret čuoikkaid dahje eará divrriid.

Maiddái guollebivdi gáibida čuoikkaid.
Guollebivdi ii bora čuoikkaid,
muhto guolit borret.
Liegga dálkin čuoikkat šurret čázeoaiivvis,
guolit njuikot movttegít ja bivdet čuoikkaid biebmun.
Čuoikadálkin munge manan bivdit alccesan borranguliid.



Dápmot vuojada šerres jogas.
Dalle dápmot sáhtta dohppe vaikkoba mu vuggii.
Dápmot lea čáppa guolli.
Sealggebealde dat lea deavkadut, measta čáhppes ja čoavjebeale vielgadut.
Dápmohis leat finna rukses ja čáhppes dielkkut.

Muhtumin finan oaggumin vuskkoniid jávrris.
Vuskkon lea njálgga, muhto das leat oalle olu dávttit.
Ja vuskkona veaksegeažit leat hui bastilat.
Vuskkona galgáge giedahallat várrugasat,
amas eai boađe hávit suorpmáide.

Giddat jieñaid suddettiin,
bivddán hávggaid,
Hávggain leat maiddái dielkkut siidduin.

Go beljiidan gullojit justa dál olu čuoikkaid šurramat
ja čoliidan nealggi njurgun,
vuolggán dás vázzit johkagurrii.
Doppe várra gottán borranguliid dán nealgái.



Šurrandearvvuodaiguin,


Elska

Gufihttara gurpmuhemiid gobai báhpára ala Kristiina Aikio. Jorgalus Pentti Pieski.




Loahppašurramat:


1. Ivdne dápmoha / hávgga / vuskkona
2. Sárngo čuoikkain stuorra doahki.
3. Bija eatnamii vilges gággá. Vuordde muhtun minuhta áigge. Rehkenaste, man galle divrri dasa leat seivon. Dutkka storrudančalmmiin dahje -lásain dasa girdán divrriid. Man galle earálágan divrri gávnnat? Dutkka, man galle juolggi ja soajá divrriin leat?
4. Čohkká olgun giddes čalmmiiguin ja guldal čuoikkaid šurrama, mii lea dego geahppamusihka konsearta!



Hávga - Hauki



Čámsa - Taimen



Vuoskku - Ahven